

Na osnovu člana 2.2. i 2.12. Izbornog zakona BiH ("Službeni glasnik BiH", broj 23/1, 7/02, 9/02, 20/02, 25/02, 4/04, 20/04, 25/05, 52/05, 77/05, 11/06, 32/07, 33/08, 37/08 i 32/10), člana 7. Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini („Službeni glasnik BiH“, br. 9/10 i 37/10) i Odluke Općinskog vijeća Stari Grad Sarajevo broj: 02-49-210/11 od 26.04.2011.godine, općinsko vijeće Stari Grad Sarajevo raspisuje

JAVNI OGLAS

za imenovanje člana Općinske izborne komisije Stari Grad Sarajevo

1. Objavljuje se Javni oglas za imenovanje 1 (jednog) člana Općinske izborne komisije Stari Grad Sarajevo.

2. Uslovi koje kandidat mora ispunjavati:

I-OPŠTI USLOVI:

1. da je lice sa pravom glasa.
- Za člana Izborne komisije ne može biti imenovano lice (član 2.3. Izbornog zakona BiH):
2. koje se ne može kandidirati u smislu odredbi člana 1.6., 1.7. i 1.7a. Izbornog zakona BiH;
 3. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
 4. koje je kandidat za izbore za bilo koji nivo vlasti;
 5. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti Odluke.

II-POSEBNI USLOVI

1. da ima evidentirano prebivalište na području Općine Stari Grad Sarajevo ;
2. da ima završen Pravni fakultet, odnosno VII/1 stepen stručne spreme društvenog smjera ili završenu višu školu, odnosno VI/1 stepen stručne spreme društvenog smjera;
3. da posjeduje iskustvo u provođenju izbora (članstvo u izbornoj komisiji, članstvo u biračkom odboru, rad u stručnim organima koji su pružali pomoć u provođenju izbora, objave stručnih i naučnih radova iz oblasti izbora).

Izuzetno od odredbi iz tačke 3. posebnih uslova ovog Javnog oglasa, član Općinske izborne komisije može biti osoba koja ima završen Pravni fakultet, odnosno VII/1 stepen stručne spreme.

U sastavu Općinske izborne komisije nastojat će se osigurati da broj članova manje zastupljenog spola bude najmanje 1/3 od ukupnog broja članova.

Prilikom izbora članova Općinske izborne komisije osigurat će se multietničnost, tako da odražava zastupljenost konstitutivnih naroda, uključujući ostale, vodeći računa o posljednjem popisu stanovništva.

III-POTREBNA DOKUMENTACIJA:

- prijava o učešću na Javnom oglasu;
- fotokopija lične karte;
- fotokopija prijave o prebivalištu na području Općine Stari Grad Sarajevo;
- ovjerene izjave kandidata pred nadležnim organom da se na njega ne odnosi član 2.3. Izbornog zakona BiH;
- ovjerena fotokopija diplome o završenom fakultetu, odnosno višoj školi;
- dokaz o potrebnom iskustvu u provođenju izbora;
- uvjerenje o nekažnjavanju (Uvjerenje koje je izdalo Kantonalno Ministarstvo unutrašnjih poslova – Uprava policije, a kojim se potvrđuje da kandidat nije osuđivan, ne starije od tri mjeseca).

IV-OPIS POZICIJE ČLANA OPĆINSKE IZBORNE KOMISIJE:

1. nadgleda i kontroliše rad Centra za birački spisak iz člana 3.8. Izbornog zakona;
2. određuje biračka mjesta na području Općine za glasanje na svim nivoima;
3. provodi postupak imenovanja, imenuje i obučava članove biračkog odbora;
4. brine o sigurnosti i dostavi biračkim odborima izbornog materijala;
5. obavještava birače o svim informacijama neophodnim za provedbu izbora;
6. odgovorna je za uređenje biračkog mjesta i druge tehničke pripreme za izbore;
7. odgovorna je za pravilno brojanje glasova birača na biračkim mjestima;
8. objavljuje rezultate sa svih biračkih mjesta u Općini i dostavlja ih Centralnoj izbornoj komisiji;
9. obavlja i druge poslove u skladu sa Zakonom i propisima Centralne izborne komisije.

V-ROK ZA PODNOŠENJE PRIJAVA:

Rok za podnošenje prijave na Javni oglas je 8 (osam) dana od dana objavljivanja oglasa u dnevnim novinama.

VI-TRAJANJE MANDATA:

Mandat članova Općinske izborne komisije traje 7 (sedam) godina od dana davanja saglasnosti Centralne izborne komisije BiH na Odluku Općinskog vijeća o imenovanju člana Općinske izborne komisije.

Prijave na Javni oglas sa potrebnim dokazima o ispunjavanju navedenih uslova, kandidati će dostaviti, putem Službe za opću upravu Općine Stari Grad Sarajevo **(šalter sala – prijem podnesaka) ili poštom na adresu: Zelenih beretki br. 4, Općina Stari Grad Sarajevo – Stručna služba Općinskog vijeća – Konkursna komisija, sa naznakom**

"PRIJAVA NA JAVNI OGLAS – NE OTVARATI".

Nepotpune i neblagovremene prijave se neće uzeti u razmatranje.
Dodatne informacije se mogu dobiti na kontakt telefon 033 282 313, Stručna služba Općinskog vijeća.